

东平诗草，为纪念入校 25 周年

◆ 水工 91 向东平

古人说“诗以言志”，其实也不全面，有时写诗只为了表达一种情绪，寄托一种情怀，抒发一番感慨。不管怎样，随着年龄增长，心闲下来时回味一下自己写下的这些句子，对岁月顿生一种亲近感，有些经历又变得仿佛身临其境，使人感慨不已。

[1] 忆崂山

崂山临海千峰立，崖下涛声或可闻。
石径透崎松影淡，野花灿漫草芝芬。
孤僧峻岭何方去？古寺荒蕪几度焚。
九水源头无尽路，寒霜散履伴浮云。

[2] 登崂山

经年蹙饮幽州水，齐鲁东南醴尚存。
向晚海风舒远浪，入秋山色寂无垠。
松崖古寺连云路，野径苍茫浸雨痕。
禅道不闻空落寞，繁星万点照孤村。

[3] 游崂山明道观

菊花银杏石间生，寂鸟环山向海鸣。
荒寺无声人已逝，崖前古井水仍清。

[4] 崂山感怀

崂山九岭连东海，野径微茫远世风。
瑞草香芝从古寺，晨钟晓雾起惊鸿。
危崖万仞青松下，渌水千声断壑中。
百代仙人皆已去，空余我辈对苍穹。

[5] 春日忆楚地

春满三湘四月天，禾田渌水尽开颜。
青蝉阵阵鸣新草，白鹭翩翩过远山。
好雨时来多钓客，繁花渐落寂江湾。
渔人向晚悠然去，一曲浏阳旧梦还。

[6] 夏日游楚地

楚岭悠悠皆苦旅，长天远鹤洞庭低。
危荷骤雨平湖溅，斜柳狂风倚岸齐。
荒寺当无禅者驻，空山疑有子规啼。
汨罗已浸千秋恨，犹渡忠魂过五溪。

[7] 秋日游楚地

洞庭吞四水，潮起荡初秋。
岭峻云难越，壑深树自幽。
蒹葭平垄浦，蒿草满汀洲。
鹭与烟波去，山随暮霭留。

[8] 冬日登凤凰岭

凤凰岭上千峰峻，遥望西山塞北云。
势蕴雄关多古寺，气分燕翼有余曛。
蹬级杳灭残碑现，涧谷幽深倦鸟闻。
百代高僧皆落寞，龙泉拂晓雪纷纷。

[9] 楚地春伤

淡酒微风谁畏醉？舟中归士对山林。
一江帆影随波尽，五岭春光过雨新。
暮色渔歌悠远岸，晨曦楚客叹长津。
盛年已付他乡梦，何处烟云有故人？

[10] 乡途

经年难聚首，赤子畏乡途。
雨过江鸥远，舟行岸影杳。
蝉鸣惊苑树，水溅湿山蒲。
身世连亲旧，苍茫万里孤。

[11] 洞庭菱

岳阳楼上望，谁采洞庭菱？
风顺三湘近，雨轻四水平。
闻钟寻远寺，过岭见高亭。
楚地多生气，山歌可定情。

[12] 问桃源

桃源何处有？乡野问农人。
白鹭飞西渡，轻舟向远津。



云开荒岭现，雨至乱流频。
疑遇秦时隘，山林与日新。

[13] 征途

累累征途风蚀苦，襁衣战士唱阳春。
晴空寂野千秋雁，瘦马胡云万里人。
白草荒原埋烈骨，黄沙黯血化飘尘。
江山百代英雄路，踏灭匈奴日月新。

[14] 石门夹山寺

夹山寺侧高僧墓，传是前朝李闯灵。
衰草枯苔埋古道，涸泉落叶没荒亭。
洛阳三过人民苦，燕北一呼大业瞑。
竹影松声悲旧梦，洞庭碧水满飘萍。

[15] 过沅江

日暮孤舟停野渡，山村荒径草藤青。
千峰聚霭四天暗，一瀑飞声万壑鸣。
楚岭风高无古树，沅江夜静有渔灯。
天涯漠漠凭谁问，独上南坡望远星。

[16] 西楚曲渡

日暮扁舟难上溯，水天何处有乡音？
泉声遥渺林蝉噪，树影高低鸟语新。
独径依山连险隘，群峰竞势远红尘。
长风曲渡三百里，可见桃源古楚人。

[17] 细雨亭

西楚云山多古寺，洞庭洲霭暮天暝。
芙蓉万顷清风岸，菰苇三湾细雨亭。
明月一心归客醉，渔歌几曲晓星零。
凭栏望断烟波处，江水无声带紫萍。

[18] 岭南聚萃

楚越连山望，民生自古贫。

狭滩多蔓草，曲道下荒津。
雨驻江湖阔，云开草树新。
四方今聚萃，争做岭南人。

[19] 湘上渔人

暮江春雨武陵滩，闲钓孤舟两岸山。
水浅水深皆过客，今朝酒醒洞庭湾。

[20] 夏

鹤落沙汀远，云飞万里闲。
素心随碧水，流响百重山。

[21] 读汉史北征

千峰月冷闻孤雁，万骑霜寒踏虏关。
仁义何时宣漠北？大军已到燕然山。

[22] 北望

细雨悠悠九月秋，燕山尽处望幽州。
虽闻冀北多侠士，易水天干久不流。

[23] 过秭归

千树潇潇一径斜，清江浅浅几舟划。
渔歌鹤岭寒星夜，可望昭君万里家。

[24] 关中闻鸡鸣

秦天已倾诸侯并，刘项拥兵据要津。
一路征旗扬赤县，三章约法定红尘。
舟离渭上愁新岸，梦及江东是早春。
万代雄杰成垒土，晓鸡独唱醒谁人？

[25] 闻三峡建成而自励

万里长江滚滚来，激云荡日撞天回。
西峰厚雪滋华夏，高峡猛龙御闪雷。
国父宏图遗恨久，人民壮志望春开。
诸君超绝红尘后，驰骋关天上陇台。

[26] 望乡

经年桓蓟北，倦怠望乡时。
寂雨空山净，寒风古树衰。
云钟惊客路，溪霭近村篱。
感叶凋零后，盛年不可追。

[27] 沈从文

蕞尔边城古木深，百年固垒备苗人。
狂兵怒吼连山动，野老悲号与日频。
转战魂迷懵懂时，从文梦醒自由身。
先生妙笔因风弃，故笥残陶忆旧春。

[28] 边陲

巴蜀连青藏，金沙浪遏春。
寒山无树影，古道少农人。
危寺临高岸，孤舟向远津。
边陲何以固？万里救民贫。

[29] 谭嗣同

维新百日终成恨，风雨飘摇祭旧魂。
秋渚沙沉空暮霭，寒山鸟尽见孤村。
楚天已厚英雄气，断树犹存壮士根。
何处杜鹃啼碧血，沅湘入海起鹏鲲。

[30] 感湘粤桂会战

匹夫皆奋斗，倭寇自能敌。
矫影托山动，壮心与剑齐。
枪声惊宿鸟，战火耀天梯。
何处魂魄聚？贼殇粤岭西。

[31] 彭德怀

寇踞国门外，东方近土沦。
天寒思旺火，势迫盼能臣。
为使雄关在，何须烈酒醇。
出师循古道，万里战长津。⁸⁹

